

時之選云

轉運類誌 俄軍因遼東地方道途險惡轉運不便強役土人開築道路目下又開鑿昌家堡通遠堡間之道路又架設金家河及其他數處新橋以謀交通之便利 俄政府現出命令以西伯利亞火車運送潛行水雷艇五艘前往遠東又命於旅順設一大船渠限三月內竣工 近據俄將來維亞斯切夫云貝加爾湖以橋渡兵水程不過二十五英里路中各有鵝所盛備炭火優給糧食一橋載兵五人

糧餉類誌 俄兵因中國嚴守中立糧秣不能仰給近已由西伯利亞鐵路轉運故不及兼運兵員僅偶爾輸送一二人而已 俄人在東三省設一巡撫以籌取土民糧食牲口騾馬爲專務而彈壓地方則非其所司 二月十六日倫敦電俄陸軍監督部近不向滿洲輸送食品俄軍所用全賴該處之牛隻穀類以爲供給 俄軍現於遼陽左近搜購麥磨麪以爲食品然遼陽麥及肉類均甚缺乏頗不易購故多以高粱炊食或磨黍製餅其乏食已可想見 二十六日錦州函俄軍旅順糧臺及遼陽總糧臺現已退至瀋陽西門外東清車站附近如鴨綠江陸戰失利即將糧臺退駐鐵嶺因瀋陽四週平坦并無山險扼守故也 二十七日煙臺函俄政府電飭各屬多備火車運載糧食赴西伯利亞鐵路一帶

軍事

一百六十五

甲辰